

## Հ Ա Շ Վ Ե Տ Վ ՈՒ Թ Յ ՈՒ Ն

### ՄԱՐԻԱՆԱ ՍԱՐԳՍՅԱՆԻ՝ ԲԵԼԳԻԱՅԻ ԹԱԳԱՎՈՐՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

#### 1. Անունը, ազգանունը

Մարիանա Սարգսյան

#### 2. Զբաղեցրած պաշտոնը

Բարձրագույն կրթության և գիտության կոմիտեի բարձրագույն կրթության և գիտության քաղաքականության վարչության միջազգային համագործակցության բաժնի պետ

#### 3. Գործուղման վայրը և ժամկետները

Բելգիայի Թագավորություն, ք. Բրյուսել, հոկտեմբերի 13-ից 16-ը, 2024 թվական

#### 4. Հրավիրող կողմը

ԵՄ արտաքին գործողությունների ծառայություն, Եվրոպական հանձնաժողովի հետազոտության և նորարարության գլխավոր տնօրենություն

#### 5. Գործուղման նպատակը (աշխատանքային որ խնդրի լուծման համար էր նախատեսված գործուղումը)

Մասնակցություն ՀՀ-ԵՄ գործընկերության օրակարգի նոր նախագծի 2.6 կետի (Մարդկանց միջև շփումներ/People-to-People Contacts) աշխատանքային քննարկմանը և «Հայաստանի Հանրապետության և Եվրոպական միության միջև Միության «Հորիզոն Եվրոպա» հետազոտությունների և նորարարության շրջանակային ծրագրին Հայաստանի Հանրապետության մասնակցության մասին» համաձայնագրի շրջանակում գործող ԵՄ-Հայաստան համատեղ կոմիտեի երրորդ նիստին

#### 6. Քննարկված թեմաները

1. Հետազոտությունների և նորարարության ոլորտներում քաղաքականության բարեփոխումների մշակմանն ուղղված աջակցություն՝ ներառյալ հետազոտությունների և նորարարության ոլորտներում ենթակառուցվածքների զարգացումը,
2. Եվրոպական հետազոտական տարածքին Հայաստանի ակտիվ մասնակցությանը և ինտեգրմանն ուղղված քայլերը,

3. ԵՄ «Հորիզոն Եվրոպա», «Էրազմուս +» և ոլորտային այլ հարթակներում ՀՀ ինտեգրման և դրան ուղղված ազգային մակարդակում իրականացվելիք բարեփոխումները,
4. «Հորիզոն Եվրոպա» ծրագրին ՀՀ մասնակցության 2023-2024թթ. վիճակագրական տվյալները, Ծրագրի տարբեր հարթակների ՀՀ մասնակցության խթանման ուղղված քայլերը,
5. Հետազոտությունների և նորարարության հարցերով Արևելյան գործընկերության ոչ պաշտոնական հարթակի շրջանակում համագործակցությունը,
6. «Հորիզոն Եվրոպա» ծրագրին ՀՀ մասնակցությունը խթանելու նպատակով «Գիտական և նորարարական գործընկերությանն աջակցման կենտրոն» հիմնադրամի կողմից իրականացվող միջոցառումները,
7. Այլ ընթացիկ հարցեր:

#### 7. Հանդիպումները, ելույթները, բարձրացված կամ քննարկված հարցերը

2024 թվականի հոկտեմբերի 14-ից 15-ը Բարձրագույն կրթության և գիտության կոմիտեի բարձրագույն կրթության և գիտության քաղաքականության վարչության միջազգային համագործակցության բաժնի պետ Մարիանա Սարգսյանը ք. Բրյուսելում մասնակցել է ՀՀ-ԵՄ գործընկերության օրակարգի «Մարդկանց միջև շփումներ» հարթակի նոր նախագծի քննարկմանը նվիրված աշխատանքային հանդիպմանը և «Հայաստանի Հանրապետության և Եվրոպական միության միջև Միության «Հորիզոն Եվրոպա» հետազոտությունների և նորարարության շրջանակային ծրագրին Հայաստանի Հանրապետության մասնակցության մասին» համաձայնագրի շրջանակում գործող ԵՄ-Հայաստան համատեղ կոմիտեի երրորդ նիստին:

«Մարդկանց միջև շփումներ» հարթակի նոր նախագծի քննարկմանը նվիրված աշխատանքային հանդիպման ընթացքում քննարկվել են հարթակի շրջանակում համագործակցության նոր թիրախային ուղղությունները և մի շարք հարցեր, այդ թվում՝ հետազոտությունների և նորարարության ոլորտներում քաղաքականության բարեփոխումներին ուղղված միջոցառումները՝ ներառյալ հետազոտությունների և նորարարության ոլորտներում ենթակառուցվածքների զարգացումը, Եվրոպական հետազոտական տարածքին Հայաստանի ակտիվ մասնակցությունը և հետագա ինտեգրմանն ուղղված քայլերը: Անդրադարձ է կատարվել նաև ԵՄ «Էրազմուս+» և ԵՄ

այլ հարթակներին ՀՀ մասնակցության և դրա ակտիվացմանն ուղղված ազգային մակարդակում իրականացվելիք բարեփոխումներին:

Մ.Սարգսյանը մասնակցել է նաև Եվրոպական հանձնաժողովի կրթության, երիտասարդության, սպորտի և մշակույթի գլխավոր տնօրենության նորարարության, թվային կրթության և միջազգային համագործակցության հարցերով տնօրեն Ա. Անգելովա-Կրաստնայի հետ աշխատանքային հանդիպմանը, որի շրջանակում քննարկվել են մասնավորապես բարձրագույն և միջին մասնագիտական կրթության, ինչպես նաև սպորտի ոլորտներում ԵՄ «Էրազմուս+» ծրագրին ՀՀ մասնակցությանն առնչվող մի շարք հարցեր: Քննարկվել են նաև բարձրագույն և միջին մասնագիտական կրթության, ինչպես նաև սպորտի ոլորտներում ԵՄ «Էրազմուս+» ծրագրին ՀՀ մասնակցության ակտիվացմանն ուղղությամբ առկա ԵՄ գործիքները, մասնավորապես պոտենցիալ գործընկեր կազմակերպությունների հայտնաբերմանն ուղղված վեբինարների անցկացման հնարավորության հարցը, ԵՄ «Էրազմուս+» ծրագրի շրջանակում շարժունության ծրագրերի խթանման և մասնագիտական որակավորման բարձրացման և վերամասնագիտացմանն ուղղությամբ ԵՄ առկա գործիքները և դրանց հասանելիության ապահովման հարցը:

2024 թվականի հոկտեմբերի 15-ին Մ. Սարգսյանը մասնակցել է «Հայաստանի Հանրապետության և Եվրոպական միության միջև Միության «Հորիզոն Եվրոպա» հետազոտությունների և նորարարության շրջանակային ծրագրին Հայաստանի Հանրապետության մասնակցության մասին» համաձայնագրի շրջանակում գործող ԵՄ-Հայաստան համատեղ կոմիտեի երրորդ նիստին, որը համանախագահում էին ՀՀ ԿԳՄՍ նախարարի տեղակալ Արթուր Մարտիրոսյանը և ԵՀ հետազոտությունների և նորարարության հարցերով գլխավոր տնօրենության «Հորիզոն Եվրոպա» ծրագրին ասոցացման հարցերով ստորաբաժանման ղեկավարի տեղակալ Անն Հազլունդ-Մորիսին: Նիստի ընթացքում քննարկվել են ՀՀ գիտական համայնքի՝ Եվրոպական հետազոտական տարածքին ինտեգրման վերաբերյալ մի շարք հարցեր, այդ թվում՝ «Հորիզոն Եվրոպա» ծրագրին ՀՀ մասնակցության 2023-2024թթ. վիճակագրական տվյալները, «Հորիզոն Եվրոպա» ծրագրին ՀՀ մասնակցությունը խթանելու նպատակով ԵՄ աջակցության գործիքները, ՀՀ ֆինանսական պարտավորությունների կատարման ընթացքը, Եվրոպական հետազոտական տարածքին ՀՀ ինտեգրմանն ուղղությամբ գիտության ոլորտում իրականացվող ծրագրերը՝ այդ թվում

Ակադեմիական քաղաք ծրագրի իրականացման ընթացքը, «Հորիզոն Եվրոպա» ծրագրին ՀՀ մասնակցությունը խթանելու նպատակով «Գիտական և նորարարական գործընկերությանն աջակցման կենտրոն» հիմնադրամի կողմից իրականացվող միջոցառումները, Հետազոտությունների և նորարարության հարցերով Արևելյան գործընկերության ոչ պաշտոնական աշխատանքային խմբի շրջանակում իրականացվող աշխատանքները: Նշվել է, որ 2024 թվականին աճել է «Հորիզոն Եվրոպա» ծրագրի շրջանակում ՀՀ կազմակերպություններից ներկայացված հայտերի քանակը, ինչպես նաև աճել է ՀՀ մասնակցության գործակիցը: Ստորագրված դրամաշնորհների թիվը 16 է, իսկ 3 դրամաշնորհային պայմանագրերի կնքումը ընթացքում է: Երկուստեք արձանագրվեց Ծրագրին ՀՀ մասնակցության աճի դրական միտումը, և կարևորվեց թիրախային միջոցառումների իրականացման շարունակականության անհրաժեշտությունը Ծրագրին մասնակցության հետագա ակտիվացման նպատակով:

Մ. Սարգսյանը ներկայացրել է տեղեկություն ԵՄ «Հորիզոն Եվրոպա» ծրագրի ծրագրային կոմիտենտերում ընդգրկված ՀՀ ներկայացուցիչների ընթացիկ գործունեության, ԵՀ միացյալ հետազոտական լաբորատորիայի աջակցությամբ իրականացվող Խելացի մասնագիտացման ռազմավարության մշակման ուղղությամբ իրականացվող միջոցառումների ընթացքի, ինչպես նաև Հետազոտությունների և նորարարության Արևելյան գործընկերության հարթակի շրջանակում ձևավորված երկկողմ համագործակցությունների և իրականացվող միջոցառումների ընթացքի մասին:

Քննարկվել են նաև մի շարք ընթացիկ աշխատանքային հարցեր:

Ց.Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթեր

Հայաստան-ԵՄ «Մարդկանց միջև շփումների հարցերով» ենթակոմիտեի նիստի արդյունքում համաձայնեցվել է Բարձրագույն կրթության, գիտության, մշակույթի, սպորտի և երիտասարդության ոլորտներում համագործակցությանն ուղղված միջոցառումների նախագիծը:

ԵՄ-Հայաստան համատեղ կոմիտեի երրորդ նիստի արդյունքում ընդունվել են գործառնական եզրակացություններ, որոնց ուղղությամբ կողմերը կշարունակեն աշխատել 2025 թվականին:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Հայաստան-ԵՄ «Մարդկանց միջև շփումների հարցերով» ենթակոմիտեի նիստի ընթացքում առաջարկություն է ներկայացվել հնարավորինս սեղմ ժամկետում միջոցառումների լրամշակված նախագիծը շրջանառելու և վերջնական փոխհամաձայնեցնելու վերաբերյալ:

ԵՄ-Հայաստան համատեղ կոմիտեի երրորդ նիստի արդյունքում առաջարկություն է ներկայացվել աշխատանքային կարգով համաձայնեցնել հաջորդ՝ Երևանում կայանալիք չորրորդ նիստի անցկացման ժամկետները: Առաջարկություն է եղել նաև շարունակել երկուստեք դիտարկել ԵՄ հետազոտությունների և նորարարությունների ոլորտներում համագործակցության ընդլայնմանն ուղղված հնարավորությունները և այդ նպատակով ԵՄ հետազոտությունների և նորարարությունների հարթակներին (Եվրոպական հետազոտական տարածքի ֆորում, Եվրոպական նորարարությունների խորհուրդ, Միացյալ հետազոտական լաբորատորիայի խելացի մասնագիտացման ռազմավարություն) ՀՀ մասնակցության խթանմանն ուղղված հնարավոր քայլերը:

Մարիանա Սարգսյան

22.10.2024թ.